



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De correctione episcoporum, qui cum excommunicatis communicauerunt.  
lxxii.

**urn:nbn:de:hbz:466:1-10722**

verum & factis. Propter hoc enim statuimus, minimè vnam in posterum contra sacra statuta aliquo modo comunicemus excommunicatis, & diudicemus nosmetip-  
sos, quatenus in futuro nō iudicemur à domino. Sequi cu-  
pimus dicta & statuta sancti Gregorij papæ, & pœnitentia-  
tiam dignam agere volumus secrète in monasterio: quia  
publicè nequim⁹: in futuro q; prædicta omnib⁹ modis Deo  
propitio vitare volumus. Eandemq; legē statuentes pref-  
byteris, diaconibus, & omni clero, si de gradu deponi no-  
luerint, vt fideliter obseruent, & aliis seruare prædicent.

*De correctione episcoporum qui cum excommunicata  
comunicauerunt. Cap. LXXII.*

**A**utoritate apostolica firmamus dicta, & precepta san- *Ex eodē.*  
ctorum canonum, & interdicimus, quām diu quis ex- *cap. 9.*  
communicatus sit, vt nullus nostrorū episcoporum ei au-  
deat communicare, vel cum eo in Ecclesia orare. Et laici  
qui secuti sunt nos, vt dicunt, errādo & sequendo nos mo-  
do, nos aut nosmetip̄sos per pœnitētiā macerantes cor-  
rigendo, & viam eis vitæ prædicantes, & aperientes: vt re-  
ficiant à diaboli laqueis, à quibus per nostra mala exem-  
pla capti tenentur, & ad veram matrem Ecclesiam per pœ-  
nitētiā reuertantur.

*De his qui contemnunt bannum ab episcopis im-  
positum. Cap. LXXIII.*

**N**emo contemnat neque transgrediatur bannum ab *Ex cōcil.*  
episcopis superimpositum. Sciat & abhorreat in epi- *Triburi.*  
stola B. Clementis dictum, contra se scriptum. Si vobis epi- *cui inter-*  
scopis nō obedierint omnes, tam maioris, quām & inferio- *fuit rex*  
ris ordinis, atque reliqui populi tribus, & lingua, non fo- *Arnol-*  
lum infames, sed & extores à regno Dei, & consortio fi- *phus, ca.*  
delium, à liminibus sanctæ Dei Ecclesiæ alieni erunt, & 8.  
audiant ipsum dominum in Euangelio dicentem: Qui vos  
audit, me audit: & qui vos spernit, me spernit. Quapropter  
nos euangelicam & apostolicam considerantes autorita-  
tem, non quæstum pecuniarum, sed lucrum querentes ani-  
marum, statuimus & confirmamus, vt si quis post hanc hu-  
ijs sancti concilij definitionem inuentus fuerit corrupisse  
bannum ab episcopis impositum, XL. dierum castigatione  
corripiatur tantum in pane, & sale, & aqua.